
COVID-19: ҒАЛАБАГА ОЗ ҚОЛДИ

Коронавирус пандемияси туфайли юзага келган хавотирли вазиятда инфекциясидан соғайиб чиқаётганлар сафи кенгайиб бораётганлиги одамларни қувонтириб, беморларга ишонч бахш этмоқда. Малакали шифокорлар томонидан халқаро стандартлар асосидаги даволаш чораларининг кўрилаётгани эса ушбу ютуқларнинг асосий омили бўляпти.

Бугун, 5 май куни вилоят штабининг таъкидлашича, юқумли касалликлар шифохонасидан яна 47 нафар касалликка чалинган беморлар соғайиб, реабилитацияга юборилди.

Шифо топганларнинг 11 нафари Россияда бўлиб қайтган, яна 11 нафари эса Туркиядан чартер рейсида Фарғонага олиб келинган ва карантинга олинган. 1 нафар фуқаро Қирғизистон Республикасидан кириб келган. Уларда коронавирус инфекцияси тасдиқлангач, шифохонага жойлаштирилган. Қолган 24 нафари эса коронавирусга чалинганлар билан мулоқотда бўлиб, касалликни юқтириб олган.

Уларнинг 36 нафари Фарғона вилоятидан, 6 нафари Тошкент шаҳридан, 2 нафари Тошкент вилоятидан, қолганлари Навоий, Самарқанд вилоятлари ва қўшни Қирғизистон Республикасидан бўлган фуқаролардир.

Шундай қилиб, вилоятда жами 131 нафар бемор касалликдан халос бўлди.

Фарғона вилояти ҳокимлиги Ахборот хизматиFacebook, Telegram, Веб сайт, YouTube

2020-05-05 18:52:25